

Orientalis dan Islam

Makalah ini adalah sebuah makalah terjemahan dari majalah “Minbar Islam”. Karangan al-Ustaz Mohamed Attia

Abrashi..

Terjemahan yang begitu menarik dan logik ini telah diusahakan oleh saudara “Liza” dari pusat pengajian tinggi – Nilam Puri – Kelantan. Semoga dengan menatap makalah ini dapatlah pembaca sekalian mengetahui betapa buruknya niat orientalis-orientalis Barat terhadap Islam. – Pengarang.

Terjemahan oleh: Liza

Riwayat Yang Salah:

Setelah puak pelampau Orientalis telah membuat pembbohongan ke atas kesucian peribadi Rasul Allah (S.A.W). Mereka tidak mengkaji apa yang mereka tulis secara ilmiah. Tulisan-tulisan mereka berpegang dengan buku-buku sejarah karangan Yahudi yang diambil dari riwayat-riwayat yang salah dan tidak benar. Hasil dari itu lahirlah tulisan-tulisan kerdil menyentuh peribadi Rasul *‘alayhi wa sallam*. Amat ternyata sifat-sifat fanatik mereka di dalam karya-karya. Hanya beberapa kerat sahaja seperti Thomas Kerlin (1798-1881) menulis secara ilmiah dan kritis. Beliau menulis tentang keagungan peribadi Rasul dan Islam. Ahli falsafah Inggeris inilah yang mula-mula, julung kali membuat pengakuan sah terhadap Rasul dan Islam; di dalam bukunya (Jaguh-jaguh dan Ibadah).

Kecaman Orientalis:

Edward James Brown dalam bukunya (Sejarah Kesusasteraan Parsi). Sir Thomas Arnold dalam bukunya (Seruan Islam), juga

pengarang-pengarang lain yang jujur, mereka memperkatakan keagungan Muhammad, kebenarannya dalam menjalankan tugas risalah. Tidak memihak kepada mana-mana puak dan bebas menyatakan yang hak. Diharap kepada orientalis-orientalis supaya menyampaikan ilmu pengetahuan dengan jujur, mengandungi kritikan-kritik ilmiah yang dapat diterima. Suci dari tuduhan-tuduhan melulu. Tidak berkesumat dengan Islam... Moga-moga kajian mereka dapat dibawa ke tengah dan merupakan kritis.

Siapa yang mengikuti tulisan-tulisan puak pelampau ini, khasnya dalam abad kedua puluh terikut-ikut dengan aliran-aliran keagamaan dan semangat perkauman mereka. Lantas mendakwa Muhammad seorang tukang sihir yang mahir. Dapat mempengaruhi masyarakat dengan ayat-ayat al-Qur’ān yang dimilikinya... Pada hal mereka benar-benar tahu Muhammad sebelum dibangkitkan menjadi Rasul sebagai orang yang dipercayai, perkataan dan perbuatannya. Baginda seorang *ummī*! Kenapa pula mereka menuduh yang bukan-bukan; Muhammad pereka agama Islam, sukakan keenakan dan

kelazatan hidup. Tuhan amat mengetahui sebenarnya mereka berdusta.

Islam dan Ahli Kitab:

Rasul tak pernah menyatakan sesuatu melainkan dengan perintah Allah. Al-Qur’ān kitab Allah yang diturunkan (*Lā ya’fīhi al-Bāṭil min bayni yadayhi wa lā min khalfihi tanzīlu min ḥakīmi ḥamīdi*). Ertinya kira-kira: “Tidak dapat disodok kepalsuan sama ada dari hadapan dan belakang. Al-Qur’ān diturunkan daripada yang Maha Bijak lagi Terpuji”. (*Wa law kāna min ‘indi ghayri Allāhi lawajadā fīhi ikhtilāfā kathīrā*). “Kiranya al-Qur’ān itu datangnya daripada selain dari Allah, nescaya kamu dapati di dalamnya banyak perselisihan”. Tidakkah puak-puak Quraisy yang terdiri dari sarjana-sarjana bahasa lemah untuk mendatangkan sepotong ayat yang serupa apabila mereka dicabar? Pada hal merekalah ahli bahasa yang terkemuka.

Kalau misinari-misinari Kristian tidak berfanatik, membuta tuli, mereka tahu Islam dengan sejelas-jelasnya. Beriman dengan ajaran al-Qur’ān, tunduk di bawah kebesarannya, mengakui kerasulan Muhammad, tetapi mereka,

terburu nafsu, mengikut perasaan hati. Di antaranya terdapat Zwemer dalam bukunya (Negara Arab Tempat Lahir Islam).

Walaupun gelagat dan tanduknya menikam Islam, Islam bersikap lapang dada, mengiktiraf kitab Taurat dan kerasulan Mūsā *'alayhi al-salām*, mengakui Injil dan kerasulan 'Īsā, mensuci peribadi Maryam. Pemeluk Islam bergaul rapat dengan ahli al-Kitab. Memandang mereka sebagai kawan sejawat.

Islam Agama Dunia Akhirat

Dunia yang serba moden hari ini menimbulkan keraguan. Manusia diresapi oleh kebendaan. Kesedaran jiwa berkurangan. Hidup kerana kebendaan. Tidak terfikir kepada sesuatu fakta melainkan untuk kebendaan. Lupa kepada firman Tuhan (*Wa abtaghi fimā atāka Allāhu Al-dāra al-akhirata. Wa lā tansa naṣībaka min al-dunyā wa aḥsi kamā aḥsana Allāhu ilayka wa lā tabtaghi al-fasāda fī al-arḍ inna Allāha lā yuḥibbu al-muḥsibīna*). “Tuntutlah segala pemberian Allah kepada engkau untuk akhirat. Dan jangan lupa haluan engkau di dunia. Berbuat baiklah kepada Allah sebagaimana Allah berbuat baik kepada engkau. Jangan kamu mencari kerosakan di bumi. Sesungguhnya Allah itu tidak suka kepada orang-orang yang melakukan kekacauan.” Lupa kepada pesanan Rasul (*A'mal lidunyaka kaannaka ta'ishu abadā wa a'mal liākhiratika kaannaka tamūtu ghadā*). Bererti kira-kira: “Bekerjalah untuk urusan duniamu seolah-olah kamu hidup selama-lamanya. Dan bekerjalah untuk urusan

akhiratmu seolah-olah kamu akan mati besok.”

Islam Tidak Memandang Kulit.

Jurang perbezaan kulit hangat membara di Amerika Syarikat dan di Afrika Selatan. Kulit putih bisa menyandang jawatan ketua. Sedangkan kulit hitam hanya layak menjadi hamba kepada mereka. Pergaulan di antara kedua liar sekali.

Islam bencikan perbezaan-perbezaan antara sesama manusia. Tidak ada apa-apa perbezaan antara putih dan hitam. Mungkin si hitam lebih mulia di sisi Tuhan dengan jasa baktinya kepada Allah. Islam mengangkat darjat kemuliaan manusia dengan selayaknya. Menyeru ke arah kemerdekaan mutlak dan hidup yang stabil. Tuhan berfirman (*Innā khalaqnākum min dhakari wa unthā wa ja'alnākum shu'ubā wa qabā'ila lita'araḥū inna akramakum 'inda Allāhi atqākum*). Sesungguhnya Kami telah jadikan kamu daripada lelaki dan perempuan dan Kami jadikan kamu berpuak-puak dan bersuku bangsa, supaya kamu berkenal-kenalan di antara satu sama lain. Sesungguhnya semulia-mulia kamu di sisi Allah ialah orang yang paling takwa. Dan Rasul menegaskan (*Lā faḍla li'arabī 'alā 'ajamī wa lā abyāḍu 'alā aswadū illā bi al-taqwā kullukum min Ādam wa Ādama min turāb*) Ertinya: “Tidak ada kelebihan antara bangsa Arab dengan bangsa lainnya. Tidak ada kelebihan antara yang putih dengan yang hitam melainkan dengan takwa. Kamu semua dari Adam. Dan Adam dari tanah.

Blok Timur dan Barat merupakan dua kuasa yang terbesar. Berlumba-lumba antara satu sama lain dalam mengatasi kuasa. Masing-masing dengan

kekuatan senjata nuklearnya. Islam menyeru manusia ke arah baik-baik. Menolong antara satu sama lain. Tidak menunjuk-menunjuk kuasa yang ada dengan tujuan permusuhan. Islam menyeru ke arah satu kekuatan antara bangsa. Tuhan berfirman (*Wa ta'āwanū 'alā al-birr wa al-taqwā wa lā ta'āwanū 'alā al-ithmi wa al-'udwān*). “Dan tolong-menolonglah kamu untuk kebaikan jangan sekali-kali bertolong-tolongan untuk kejahatan dan perseteruan.” Rasul berpesan (*al-mu'min lilmu'min ka al-bunyān yushiddu ba'dahu ba'dā*). “Orang-orang mukmin dengan mukmin yang lain seperti bangunan, setengah menguatkan setengah yang lain”.

Ajaran-ajaran Islam progresif dan logik:

Akhlak pemuda-pemudi telah rosak. Perasaan individu mengancam suasana, lebih mementingkan diri sendiri, seorang saudara tidak kenal saudaranya, anak lupa kepada ayah yang mengasuhnya. Tiap-tiap orang bersedia untuk hidup sendiri-sendiri. Apakah mereka tidak mengerti dengan firman Allah (*Wa innaka la'alā khuluqī 'aẓīm*). “Sesungguhnya engkau (Muhammad) mempunyai akhlak yang mulia.” dan Rasul bersabda (*Innamā bu'thu li'atmam makārimi al-akhlāq*) “Sesungguhnya aku diutuskan untuk menyempurnakan kemuliaan akhlak.

Kalau kita lihat kepada umat-umat yang dijajah dan mendapat kemerdekaan selepasnya, kita dapati umat itu jahil, lemah dan rosak akhlaknya. Untuk mengubah segala penyakit ini perlu kepada rawatan. Islam merupakan jururawat, turut jejak langkah Rasul. Ajaran Islam progresif dan logik, adil dan saksama dan

Orientalis dan Islam

demokrasi, menyeru ke arah kebaikan persatuan dan ikatan jiwa yang teguh yaitu tunduk di bawah kekuasaan Allah.

Islam adalah satu agama praktik. Terpancar darinya segala kekuatan kebenaran adil dan kasihan belas. Mengarah manusia ke arah berfikir.

Apa yang ditentang oleh puak pelampau Orientalis dan pengembang-pengembang agama Kristian itu adalah semata-mata diasaskan di atas rasa dendamnya. Mereka tidak dapat lihat cahaya suria lantaran ditutupi cahaya kejahilannya.

Sebab-sebab umat Islam lemah:

Mereka mendakwa lagi. Dengan Islamlah pemeluk-pemeluknya liar, lemah dan lembab. Islam tersiar dengan mata pedang. Sebenarnya mereka tertipu dengan kebodohan fikiran mereka sendiri. Sekiranya mereka mempelajari *tārīkh-tārīkh* Islam mereka akan dapati orang-orang Islam terdahulu telah membuka mata umat dunia. Membawa tamadun yang luar biasa. Berdasar kepada iman dan pengajaran-pengajaran yang suci.

Kemunduran umat Islam disebabkan ajaran Islam tertinggal jauh dari belakang. Mereka lemah kerana dijajah. Tersebarlah kelemahan dan dan¹ kejahilan yang kelam. Bukan setakat itu sahaja malah mereka membahagi-bahagikan negeri-negeri mereka kepada beberapa wilayah yang kecil-kecil. Dengan itu tercetuslah perbalahan dan perpecahan. Perpecahan di antara kaum sehingga senang dijajah dan segala hasil-mahsul

dirampas. Menguasai ekonomi dan pertadbiran.

Islam mewajibkan umatnya belajar. (*Ṭalaba al-‘ilmu farīdāta ‘alā kulli muslim wa muslimata*) “Menuntut ilmu wajib bagi tiap-tiap orang Islam sama ada lelaki dan perempuan.” Sabdanya lagi (*Man arāda al-dunyā fa‘alayhi bi al-‘ilmi. Wa man arāda al-ākhirata fa‘alayhi bi al-‘ilmi wa man arādahumā ma‘ā fa‘alayhi bi al-‘ilmi*). “Siapa berkehendakan dunia hendaklah dengan ilmu. Siapa hendakkan akhirat mahulah dengan ilmu. Siapa hendakkan kedua-duanya (dunia dan akhirat) mahulah dengan ilmu.”

Islam membanteras kefakiran dengan difardukan zakat. Menyeru ke arah bantu-membantu. Memberansang pemeluknya menjaga kesihatan. Rasul berpesan (*Inna libadanika ‘alayka haqqū*) “Sesungguhnya badan kamu ada hak di atas kamu membelanya.” Dan sabdanya lagi (*al-mu‘min al-quwwā khayru min al-mu‘min al-ḍa‘if*) “Orang mukmin yang kuat cergas itu lebih baik dari orang mukmin yang lemah”.

Islam menyeru ke arah bersatu-padu yang erat. Tuhan berfirman (*Wa a‘taṣimū bi ḥabli Allāh jamī‘ā wa lā tafarraqu*) “Berpegangan teguhlah kamu dengan tali (agama) Allah jangan sekali-kali berpecah belah.”

Kiranya pemeluk Islam hari ini mengikut ajaran-ajaran Islam dengan asas yang teguh, tata susilanya yang tinggi, contoh-contohnya yang elok; tinggi pulalah nilai mereka, teratur dan tidak ada lagi persengketaan. Islam mengajar pemeluk-pemeluknya bergiat dan berusaha. Tidak bisa wujud orang jahil melainkan diberi

pelajaran. Tidak ada yang melarat, miskin melainkan dibela. Tidak bisa wujud pesakit melainkan diberi obat dan dirawat.

* *
*

sudah siap!

Siri Kesah

Tokoh2 Sejarah I

RUPA YANG BUROK

Di-padankan dari che-
rita2 Sejarah Islam.

Didek-lah jiwa kanak2
dengan menggalakkan
mambacha buku2 se-
jarah ringkas Islam.

Di-jalin dengan baha-
sa yang mudah dan le-
kas di-fahami oleh
kanak2. Serta di-hiasi
dengan gambar2 lukisan
yang menarik.

Sa-buah 40 sen.

Pos 10 sen.

Pesanlah kepada:

QALAM

8247 Jalan 225,

Petaling Jaya,

Selangor.

* *
*

¹ Pengulangan perkataan dan.